



Latinus

Joannis Votivus applausus

inter numerosos gratulantium coetus.





V O T I V V S
A P P L A V S V S

Inter numerosos Gratulantium Coetus
Religioso & Adm. Reuerendo in CHRISTO Patri.

P. F. MARINO
MROSKOWSKI

Sacræ Theologiæ Magistro, Conuentus Cracouiensis Ordinis Carmelitarum
B. M. V. in Arenis Concionatori Ordinario, & longè meritissimo.

D V M

SVB FELICIBVS AVSPICIIS.

Magnifici Perillustis & Adm. Reuerendi Domini.

M STANISLAI JVRKOWSKI

S. T. Doctoris & Professoris, Protonotarij Apostolici, Ecclesiæ Collegiatæ S.
FLORIANI Præpositi, Sancti GEORGII in Arce Cracouiensi & Opatoui-
ensis Custodis. Facultatum omnium Vniuersitatis Almæ Academiæ
Cracouiensis PROCANCELLARII longè dignissimi, ac in terea

GENERALIS RECTORIS
P E R

Clarissimum & Admodum Reuerendum Dominum.

M. NICOLAVM SVLIKOWSKI

S. T. Doctorem & Professore, Collegam Maiorem, Ecclesiæ Collegiatæ
S. FLORIANI Canonicum, Cancellarium Syradiensem.

*In Celeberrima Vniuersitate Cracouiensi Lectorio D D. Theologorum Nobilissimorum Ho-
spitum confessu refertissimo.*

Supremâ in Sacrà Theologia Doctoratus Laureâ Decoraretur.

A

M IOANNE GOSTVM MIOWSKI

*Philosophiæ Doctore, & Astrologiæ in Minori Collegio Professore. IV. Idus Octobris
die ipso Promotionis. cum prompta Gratulantis intimi affectus contestatione.*

E X H I B I T V S

C R A C O V I Æ

Typis BALTHASARI SMIESZKOWICZ. S. R. M. Typographi.

Anno Dni. M. DC. LX. VI.

ODE TRICOLOS TETRASTROPHOS



Vx Phæbus omni Sidere clarior
In vniuerso commoda procreat
Mundo; per Hemisphæria alta
Lumine fulgidiore cùm se
Diffundit: alternâ vice singula
Latepatentis Climata permeans
Orbis, remotas Indiarum, &
Antipodum peragransq; gentes
Obscuriorum, dumq; suâ face
Dispellit atras vastâ per æthera
Caligines, nubescq; densas,
Horribilesq; fugat tenebras.
Hæc Eruditæ clara Scientiæ
Lux vniuerso commoda maxima
Affundit Orbi. Sed Beatis
Quæ superas referauit Arces,
Et quæ Sacrorum peruia nuntiat
Mysteriorum arcana Fidelibus;
SUPREMA cunctis iure tantos
LAVREA dat potiore fructus.
Quâ post labores insuperabiles,
Cùm docta cinguntur Tibi Tempora
MARINE MROSZKOWSKI Sacratæ
Grande Decus; Columneq; Suadæ:
Ditioris norma Scientiæ,
Illustris HELIÆ Soboles PATRIS.
Splendore magnæ SANCTITATIS
ORDINIS irradiantis Orbem.
Præclara nostræ laus Academia, &
Stagyritanæ Lux nitidissima
Stoæ Tibi deuotus omnis
VOTA canit numerosa CÆTVS.
At strictiori quos Tibi sædere
Togata iunxit Pallas amabiles
Selecta DOCTORVM Corona
Latius accinit inter omnes:

I Faustus

J faustus. Insignes animo viros
 In Erudito puluere prosequens,
 J quò trahit præclara virtus,
 Emèritiq; vocant labores,
 Ut nemo Palmas obtinet inclytas,
 Nec non decoras vertice debito
 Gestare censetur Coronas
 Qui modico propriam liquauit
 Sudore frontem: quiq; volubiles
 In otiosa absumpsit inertia
 Annos virentis iuuentas,
 Atq; suâ nihil arte gessit
 Illustre. sed qui non sine pralio
 Erroris omnis monstra ferocia
 Scientiæ dextrâ potente
 Perdomuit, populoq; doctus
 Diuina longo tempore Dogmata
 Deprompsit, & Mysteria maxima
 Facundiore propalauit
 Eloquio. Paribus beatum
 Te sic fatentur consilijs viri,
 Quos æquitatis continet orbita.
 Ætate vix nam pullulante
 Te teneram propè consecraste
 Doctæ Mineræ vidimus indolem,
 Et copiosos per Iagelonica
 Lyceæ collegisse fructus,
 Vnde Tibi seges ampla creuit
 Præconiorum mox comitantium:
 Sublime dum conquiris in Exteris
 Prouinciæ Nomen Polonæ,
 Fersq; Tibi simul hinc opimam
 Laudem: Sacri dum Dogmatis anxie
 FLORENTIA, & VERONA venustaq;
 VENETA gens, nec non amæna
 Te regio PATAVINA dignum
 Fecêre ROSTRIS fulgidioribus,
 Cum sacra VERBI semina spargeret.
 Quin Caucaſo vicina monti
 Te studio recolit perenni
 ALBANIA, & VICENTIA splendida,
 Ecclesiarum dum pariter sacras

Ambæ Tibi

Ambæ Tibi cedunt Cathedras,
 Præficit hæc Studio REGENTEM
 SACRO MAGISTRUM sub celeberrimis
 PROPAGINIS vestræ GENERALIBVS
 Factum, LEONE, ANTONIOQVE
 Laureolâ decorante Frontem
 Virente Baccis. Munus id insuper
 Commisit hæc Gens, vt fieres Sacræ
 CONSULTOR INQUISITIONIS.
 Sed Patriæ potiore tandem
 Amore victus deseris Exteras
 Gentes: ad Almam protinus aduolans
 Sedem Leonis ROXIACI,
 Concio tunc numerosa vestrum
 Vbiugebat, mox venerabilis
 PATRVM Senatus te excipit intimè
 Primusq; DIFFINITOR, atque
 Ad Lechicas PRIOR inde Gentes
 Faustè recedis. Te Tua MAXIMO
 DOCTRINA CANCELLARIO amabilem
 Fecit moras per longiores
 Dum lateri ipsius adstitisti.
 Te prædicandis Laudibus euehit
 Gentis Polonæ bellica natio,
 POSNÆQVE, CRACIÆQVE Sedes.
 Te geminis celebrant Camœnis.
 Te PRÆCO DIVINI celeberrime
 MARINE VERBI per Iagelonica
 Lycea testantur decori
 Eloquio valuisse CÆTVS;
 Dignumq; SVPRÆMÆ SAPIENTIÆ
 Censet Facultas vnanimis, cui
 Tot post labores conferatur
 Celsus HONOR. Igitur sereno
 Hæc Dona vultu cælitus accipe
 Quæ Dexterâ nunc dat Tibi diuitem
 LARGITOR immensus bonorum
 Jure tibi Sacer ORDO latus
 APPLAUDIT; Almæ MATRIS & inclytus
 CÆTVS: peramplo hoc Munere scilicet
 GAUDE perennis. Nôstra prompti
 VOTA Tibi geminamus omnes.
 SOLI DEO HONOR ET GLORIA

BIBLIOTH. UNIV.



VAGELLONICAE



